

Ты еси Ангеловъ радость. ты еси челоуѣковъ слава. ты вѣрныхъ надежда, владычице всепѣтаа, предстательница наша: и кз тебѣ прибѣгаемъ во всакой нѣжди. ѿко да мольбамн твоими, ѿ стрѣлъ вражнхъ пагубы душегубительныа, и всакихъ скорбей избавимса вси, воспѣвающии тѣ Богоневѣстнаа.

Хвалите ГДА вси языцы, похвалите его вси людие.

Ты ми Богородице дупованіе: ты ми предстательница и стѣна, и прибѣжище владычице препѣтаа, ѿже Бога плотию неисквсомъ рождаши, міръ Спасителя: ты мольбамн твоими, ѿ ѿдержажущихъ насъ избави исквшеній, и вѣдз и ѿвстоаній единая Хрестіанъ прибѣжище.

Стіхъ: ѿко дуптверднса милость его на насъ, и истина Господна пребываетъ во вѣкз.

Оукротн плоти моеѣ стремленіа, дугаи пламень страстей моихъ, шими ѿ мене Богородице, зной лѣкабый желаніа моего. и непреклонный мой Обычай возврати дѣво, ѿ всакаго вѣсовскаго стремленіа: ѿко да въ тишинѣ сердца, и въ безстрастїи души моеѣ, пѣснословлю тѣ всепѣтую. Слава, и нынѣ Богородиченъ.

Мати дубв позналаса еси паче естества Богородице, пребыла же еси дѣва, паче слова и разума: и чюдесе рождества твоего, сказати языкъ не можетъ: преславнѣ бо свѣдѣ зачатїю Чистаа: непостиженъ есть Образъ рожденіа: и дѣже бо хощетъ Богъ, повѣждается естества чинъ тѣмже тѣ вси, мать Божїю вѣдуще, молимтиса прилежнѣ, моли спастиса душамъ нашимъ.

Таже, себѣте тихїи.